

Departamento di Estado Mericano sorprendí y disgustá cu **Cura milagroso di Betto Arends y David Cybulkiewicz despues cu nan no a ser extraditá**

Nan ta sigui riba lista di fugitivanan di ley Mericano

ZORANJESTAD- E último rapport di International Narcotics Control Strategy, esta INCRS, ta muestra cu autoridnan Mericano ta disgustá con e casona di extradicion di tanto Betto Arends y David Cybulkiewicz a bai.

Den e informe aki ta ser muestra cu ambos comerciante a bira malo durante di e proceso legal cu mester trata nan extradicion, pero despues tur dos a bira bon di salud milagrosamente.

Autoridnan Mericano ta lamenta esaki y ta muestra nan preocupacion pa esaki tambe.

Den caso di Betto Arends e rapport ta muestra cu na 1998, Gobernador di Aruba y no di Antiyas Hulandes, a nenga di honra un peticion di Husticia Mericano, pa extraditá Betto



David Cybulkiewicz durante di e proceso di extradicion den rolstoel, pero cual despues el a pone un banda ora cu a desconsheh su extradicion.



Betto Arends canando den Dr. Horacio Oduber Hospital, kende tambe a bira malo durante di tratamento di su caso pa extradicion y cu awe Merca ta bisa cu el a superá su crisis.



Randy Habibe no tabatin excusa y a ser hibá Merca pa spera riba su caso penal.

Arends, pa motibo cu e tabata den un estado peligroso di depresion, sabiendo cu e lo tin cu bai prison na Merca.

Duranta di 1999, e rapport ta muestra cu por a mira Betto Arends coriendo liber y rond di e isla, liber di tur señal di depresion serio.

MILAGER

Pa lóke ta caso di e comerciante David Cybulkiewicz, e rapport ta muestra cu e "fugitivo" comerciante, no a ser extraditá a base di un decision di Corte den Promer Instancia, cu a determina cu e comerciante tin malesa relacioná cu su edad y a consehá Gobernador di ASrba pa no extraditá David Cybulkiewicz.

Aparentemente, e comerciante aki tambe a recuperá y tacaando bon bon rond Aruba.

Den e aspecto aki sin duda algun Departamento di Estado Mericano tin razon ora cu e muestra riba e recuperacion

milagroso aki di e comerciante Arubiano.

Bon Dia Aruba mes a publicá un foto cu Cybulkiewicz den rolstoel cu aparatonan na su nanishi y curpa den un situacion delicado.

Den un periodo relativamente corto Cybulkiewicz a deshaci di su rolstoel y a recuperá den un forma impresionante despues di e decision di Corte y di Gobernador di Aruba.

INHUSTO

Den e casonan aki tin cu mencioná cu ta inhusto pa extraditá tres jiu di terra y otronan no ta bai ya cu a logra di haña un excuus pa nan, cual ta e impresion tambe cu Departamento di Estado Mericano tin.

Den e caso di Mansurnan tambe por a traha un rapport, "alegando" cu na ta malo, cu na ta depresivo y asina cu e deci-

sion cai, nan depresion y malesa cura al instante.

E no ta husto cu esnan cu si a dicidí di bai Merca y carga nan responsabilidad pa loke ta e acusacionnan den na contra.

Esistema no mester funcioná asina y Departamento di Labor ta señalá esaki tambe den su rapport y cual ta motibo tambe di preocupacion.

Sin embargo ta bon pa nota akinan, cu Departamento di Estado ta exigiendo hopi pero dunando masha poco mes di su banda den e caso di extradicion di Mansurnan.

Primonan Mansur, esta Eric y Alex ta na Puerto Rico y Miami sperando riba nan huicio y den na caso no a usa ningun excusa pa na keda Aruba.

Esaki portabata e caso tambe pa Randy Habibe kende tambe a ser extraditá pa Merca cu varios cargo den su contra.